

HOE GEDRA GOUTIES HULLE...

Gedragkode soos opgestel deur Goudveld-Hoërskool: Beheerliggaam in oorleg met Goudveld-Hoërskool: leerders, bestuurspan, opvoeders en ouers volgens:

1. Die Grondwet van die Republiek van Suid-Afrika 1996
2. Suid-Afrikaanse skolewet 1996 (Wet no. 84 van 1996)
3. Riglyne vir 'n gedragkode vir leerders (Kennisgewing 776 van 1998)
4. Provinsiale regulasies oor skorsing (nie beskikbaar by ter perse gaan).

1. Inleidende oriëntering

Volgens Kennisgewing 776 van 1998 dien die volgende beginsels, filosofie en etos soos vervat in die Suid-Afrikaanse Skolewet 84 van 1996 as aanhef tot Goudveld-Hoërskool se gedragkode vir leerders.

Die Suid-Afrikaanse Skolewet 84 van 1996 bepaal in Artikel 8(1) die volgende:

* Behoudens enige toepaslike provinsiale wet moet 'n beheerliggaam van 'n openbare skool 'n gedragkode vir leerders aanvaar na oorleg met die leerders, ouers en opvoeders van die skool.

* 'n Gedragkode soos in subartikel (1) bedoel, moet daarop gemik wees om 'n gedissiplineerde en doelgerigte skoolomgewing, wat toegewy is aan die bevordering en instandhouding van die gehalte van die leerproses, te vestig.

* Die Minister kan, ná oorlegpleging met die Raad van Onderwysministers, riglyne bepaal vir oorweging deur beheerliggame in die aanvaarding van 'n gedragkode vir leerders.

* Geen bepaling van hierdie Wet stel 'n leerder vry van die verpligting om die gedragkode van die skool, wat deur sodanige leerder bygewoon word, na te kom nie.

* 'n Gedragkode moet bepalings van 'n behoorlike regsproses bevat om die belange van die leerder en enige party wat by dissiplinêre handeling betrokke is, te beskerm.

Volgens Kennisgewing 776 van 1998 (p.17) word hier daarna verwys dat, alhoewel die Staat die verpligting het om onderwys beskikbaar en toeganklik te maak, dit aangevul moet word deur die toewyding en aanvaarding van verantwoordelikheid deur die ander vennote in onderwys, onder meer leerders, opvoeders en ouers.

SKORSING EN UITSETTING UIT OPENBARE SKOOL

- (1) Behoudens hierdie Wet en enige toepaslike provinsiale wet, kan die beheerliggaam van 'n openbare skool, ná 'n regverdigde verhoor, 'n leerder skors van bywoning van die skool
 - (a) as 'n korrektiewe maatreël vir 'n tydperk wat nie een week te bowe gaan nie;
 - (b) in afwagting van 'n beslissing deur die Departementshoof of die leerder uit die skool gesit moet word.
- (2) Behoudens enige toepaslike provinsiale wet, mag 'n leerder by 'n openbare skool uit die skool gesit word slegs -
 - (a) deur die Departementshoof; en
 - (b) indien hy of sy ná 'n regverdigde verhoor skuldig bevind is aan ernstige wangedrag.
- (3) Die Lid van die Uitvoerende Raad bepaal, by kennisgewing in die Provinsiale Koerant -
 - (a) die gedrag van 'n leerder by 'n openbare skool wat as ernstige wangedrag beskou word;
 - (b) dissiplinêre prosedures wat in sodanige gevalle gevolg moet word;
 - (c) bepalinge van 'n behoorlike regsproses om die belange van die leerder en enige ander party wat by dissiplinêre handeling betrokke is, te beskerm.
- (4) 'n Leerder of die ouer van 'n leerder wat uit 'n openbare skool gesit is, kan teen die beslissing van die Departementshoof appél aanteken by die Lid van die Uitvoerende Raad.
- (5) Indien 'n leerder wat ingevolge artikel 3(1) aan verpligte bywoning onderhewig is, uit 'n openbare skool gesit word, moet die Departementshoof 'n alternatiewe reëling tref vir sy of haar plasing by 'n openbare skool.

Verbod op lyfstraf

- (1) Geen persoon mag by 'n skool lyfstraf aan 'n leerder toedien nie.
- (2) Enige persoon wat subartikel (1) oortree, is skuldig aan 'n misdryf en by skuldigbevinding strafbaar met 'n vonnis wat vir aanranding opgelê kan word.

Goudveld-Hoërskool wil deur die gedragskode vir leerders 'n kultuur van versoening, onderlig en wedersydse respek skep, asook die vestiging van 'n kultuur van verdraagsaamheid en vrede in alle skole onderskryf.

2. Basiese uitgangspunte (etiek) tot gedragskode

- * Ons glo in die drie-enige God, onderskryf Christelike norme en waardes en leef dit daadwerklik uit.
- * Ons aanvaar gesag, respekteer ons mede-leerders, leiers en ondersteun hulle volledig. Elke leerder moet die Christelike norme en waardes respekteer en in sy / haar

daaglikse lewe 'n voorbeeld vir sy / haar medeleerders wees.

- * Ons glo in lojaliteit, eerlikheid, integriteit en selfdissipline. Ons streef netheid, flinkheid en hoflikheid na.
- * Ons streef na menswaardigheid ten opsigte van almal. Die welsyn en geluk van elke leerder van Goudveld-Hoërskool is 'n hoë prioriteit. Ons reik uit en aanvaar graag vriendskap en toegeneëtheid.
- * Dit is ons benadering en ons strewende om alles wat ons doen na die beste van ons vermoëns te doen.
- * Ons weet dit is 'n voorreg om deel van Goudveld-Hoërskool te wees en daarom bou ons voort aan ons skool se goeie naam en roemryke tradisie.
- * As Gouties glo ons in samewerking en aktiewe deelname op alle terreine, werklike omgee vir mekaar, goeie kommunikasie en 'n vriendelike atmosfeer - dit dra alles by tot 'n eiesoortige spangees en verstewig ons bande.
- * Ons verwagting is dat die skool positief en pro-aktief in ons toekoms sal belê. Die integrale ontwikkeling van leerders op akademiese-, sport-, kultuur- en geestelike terrein is van kardinale belang.
- * Elke leerder het 'n unieke persoonlikheid waarvoor ruimte gegee moet word om op alle terreine ten volle te ontwikkel, binne die perke soos gestel in die gedragskode.
- * Elke jongmens kom ten beste tot sy/haar reg in 'n milieu waar suiwer waardes nagestreef word en elkeen weet wat van hom/haar verwag word.
- * Ons sien die bereiking van hierdie doelstellings nie as 'n stel reëls nie, maar as 'n omskrywing van die praktyk waarby die hele skoolgemeenskap inskakel.

3. Die praktyk van die gedragskode

3.1 Skoolbywoning en die daaglikse program

3.1.1 Getroue skoolbywoning is vir elke Goutie belangrik. Indien 'n leerder weens siekte en/of 'n ander rede afwesig is, stel die ouers die skool per brief aan die voogonderwyser in kennis. Hierdie brief (van ouer/dokter/

begrafnisbrief) moet aan die graadvoog getoon word sodra leerder weer by skool is. Twee dae grasia, word toegestaan, anders tree dissiplinêre aksie in (kat. 2 nr. 19). Indien daar 'n vermoede bestaan dat hierdie brief deur die leerder self geskryf/getik is, moet die graadvoog dadelik daarvan in kennis gestel word.

3.1.2 Leerders tree om 07:20 as die klok lui dadelik op die plaveisel in klasverband vir die opening aan. Om 07:25 moet almal stil en ordelik aangetree wees. Die aantree moet flink en vinnig geskied. Na opening beweeg die leerders ordelik en

- stiptelik na die registerklasse of die eerste periode.
- 3.1.3 Klaswisseling is vinnig, flink en ordelik. Dadelik ná die klok vir die einde van 'n periode gelui het, moet die leerders na die volgende klas beweeg. Niemand mag tydens klaswisseling die kleedkamers besoek, of 'n onderwyser spreek nie. Gedurende die toesigperiodes geld dieselfde ordereëlings.
- 3.1.4 Tydens pouse beweeg die leerders dadelik uit die geboue uit om op die terrein te ontspan. Niemand mag sonder toesig in enige lokaal wees nie. Na pouse moet daar vinnig na die klasse beweeg word. Binne drie minute nadat die klok vir die einde van pouse gelui het, moet leerders in hulle klasse wees.
- 3.1.5 'n Goutie het respek vir die goeie orde in die skool. Tydens godsdiensoenings en godsdienafsluitings en ander afkondigings moet stilte gehandhaaf word.
- 3.1.6 Leerders mag nie die skoolterrein verlaat sonder skriftelike toestemming van die graadvoog nie. Hierdie briefie moet die volgende dag by die graadvoog ingehandig word.
- 3.1.7 Mediese- en ander roetine-afsprake moet sover moontlik tot die middag beperk word.
- 3.1.8 Alle besoekers voor, na, en gedurende die skooldag moet by die kantoor aanmeld. Geen leerder mag enige besoekers op die skoolterrein of by die hekke of die skoolomheining te woord staan tydens pouse of gedurende die skooldag nie.
- 3.1.9 Leerders wat tydens onderrig die onderriglokaal verlaat, moet 'n toestemmingskaart van die opvoeder by wie hy/sy onderrig op die tydstop ontvang, by hom/haar hê.
- 3.1.10 Leerders mag geen selfone tydens onderrig of saalbyeenkomste (aangeskakel) by hulle hê of met selfone speel nie.

3.2 In die klaskamer en benadering tot akademies

- 3.2.1 'n Goutie gedra hom/haar so dat 'n gesonde leerkuultuur in ons skool gehandhaaf en bevorder kan word. Pliëgetrouheid is 'n belangrike prioriteit vir elke Goutie. Daar moet met selfdissipline gewerk word en gestreef word na eie insig en begrip van alle vakinhoud.
- 3.2.2 'n Goutie konsidereer ander leerders, daarom mag lesse nie onderbreek word nie en elke leerder moet die geleentheid gegun word om die vakinhoud te bemeester.
- 3.2.3 Opdragte van elke opvoeder moet nougeset, stiptelik en netjies uitgevoer word.
- 3.2.4 Klaskamers moet te alle tye skoon en netjies gehou word asook alle meublement, hulpmiddele en versierings.
- 3.2.5 Gedurende eksamentye en toetse respekteer elke Goutie sy/haar medeleerders en sorg dat die eksamen en/of toets ordelik en sonder steurnis afgelê word.
- 3.2.6 'n Goutie sorg dat sy/haar ouers deurlopend, volledig en stiptelik ingelig is oor alle oer- en inligtingsaande, sy/haar toetsuitslae en/of eksamenuitslae en algemene vordering.

- 3.2.7 Elke leerder dra die verantwoordelikheid om werk waarmee hy/sy agter geraak het, self in te haal.

3.3 Buite die klaskamer

- 3.3.1 Elke Goutie is deel van Goutieland en dra positief by tot die goeie naam en beeld van die skool. Goeie maniere, selfdissipline en selfbeheersing is tipiese eienskappe van elke leerder van Goudveld-Hoërskool.
- 3.3.2 Alle byeenkomste moet gekenmerk word deur ordelikheid. Alle gaste, besoekers en sprekers moet te alle tye gerespekteer word en beleefd gegroet word. Geen Goutie mag 'n gas, besoeker, spreker of opvoeder aanspreek of nader met sy/haar hande in die sakke nie.
- 3.3.3 Elke Goutie dra by tot die netjiese en skoon voorkoms van die skoolterrein en moet dit deurgaans so hou.
- 3.3.4 Op en langs die sportveld moet elke Goutie (ouers, opvoeders, afrigters en deelnemers) ware sportmangees openbaar. Respek moet deurgaans teenoor medespelers, opponente, skeids- en lynregters, toekouers, ondersteuners en enige ander beamptes betoon word. Elke Goutie-deelnemer moet in die voorgeskrewe drag (3.4) geklee wees en geen vuil of kru taal is toelaatbaar nie (sien Kategorie 1 nommer 12 vir dissiplinêre aksie).
- 3.3.5 Gouties wat as toekouers by enige byeenkoms optree, moet in die voorgeskrewe drag geklee wees en deurgaans optree soos in 3.3.4 beskryf. 'n Leerder wat die reël oortree sal gevra word om die terrein te verlaat.
- 3.3.6 Alle uitstappies moet gekenmerk word deur hoflike, vriendelike en onberispelike gedrag en optrede. Elke leerder moet soos voorgeskryf, geklee wees.
- 3.3.7 Deelname aan en betrokkenheid by alle skool-aktiwiteite deur leerders, ouers en opvoeders bevorder 'n positiewe gees. Ondersteuning van medeleerders wat betref buitenuurse-, sport- en kultuurbyeenkomste is deel van Goudveld-Hoërskool se kultuur.

3.4 Voorkoms

3.4.1 Kleredrag

Dit is 'n voorreg vir elke Goutie om aan sy/haar skooldrag uitgeteken te word en 'n netjiese voorkoms dra by tot die positiewe gees en beeld van Goudveld-Hoërskool. Eenvormigheid en netheid kweek ook trots by elke Goutie en alle persone betrokke by die skool. Die voorgeskrewe skooldrag en sportdrag en die reëls vir die algemene voorkoms van elke Goutie geld te alle tye.

3.4.1.1 Meisies

Wintersdrag

- * Skoolbaadjie is verpligtend.

- * Skoollangbroek is donkerblou soos deur die amptelike leweransiers aan die skool voorsien met bypassende donkerblou sokkies sonder patrone.
- * Skoolromp is donkerblou, soos deur die amptelike leweransiers aan die skool voorsien. Die lente van die skoolromp sal nie meer as 5 cm bo die knie wees indien die dogter op haar knieë staan nie. Bypassend sal die dogter swart dik sykouse dra (decitex).
- * Skoolhemp, skooldas, skooltrui, skoolbaadjie, soos deur die amptelike leweransiers aan die skool voorsien. Hemde moet ten alle tye ingesteek wees.
- * Swart skooldas met bandjies. Geen veterskoene word vir dogters toegelaat nie.

Somersdrag

- * Skoolrok soos voorgeskryf en beskikbaar by skool se amptelike leweransiers. Die lengte van die rok soos voorgeskryf by die skoolromp.
- * Wit sokkies sonder patrone of frillettjies.

Uitgaandrag

- * Soos wintersdrag met `n skoolbaadjie.

Sportdrag

- * Die Goutiebroek is slegs `n oefenbroek.
- * Elke sportsoort het sy eie voorgeskrewe klere wat saam met die skoolsweetpak gedra word.
- * Geen skoolbaadjie mag by `n sweetpak gedra word nie.
- * Geen juwele mag tydens wedstryde gedra word nie.
- * Sweetpake is slegs toelaatbaar op dae waar leerders die skool by sportgeleenthede verteenwoordig, asook in die Junie eksamen.
- * Geen plakklere mag saam met sportklere gedra word nie.
- * Op Vrydae is leerders, wat kwalifiseer vir die witbaadjie (eerstespanspelers), in daardie betrokke jaar, geregtig om hulle witbaadjies aan te trek.

Hare

Algemeen

- * Hare moet deurentyd skoon en gekam wees.
- * Hare wat langer as die onderste deel van die rok of hemskraag is moet vasgemaak word.
- * “Bob” haarstyle is toelaatbaar mits die meisie se gesig nie deur die hare verberg word wanneer sy vorentoe buig om te skryf nie. In so `n geval moet die voorste deel van die hare vasgemaak word. Geen hare mag agter die ore ingedruk word om vasmaak van hare soos hierbo genoem te ontduik nie.
- * Geen kuif mag in die oë hang nie.

- * Alle los stukkie hare moet netjies vasgesteek word met inskuifnippies.
- * Geen hare mag regop gekam word nie.

Vasmaak van hare

- * Slegs wit rekkies of wit linte saam met somersdrag en swart rekkies of linte met wintersdrag is toelaatbaar.
- * Saam met sportdrag word die wit rekkies gebruik.
- * Hare mag nie in meer as twee poniesterte vasgemaak wees nie.
- * Die rekkies van poniesterte moet teen die kop wees.
- * Slegs inskuifnippies mag gedra word.
- * Slegs genoemde rekkies, linte en knippies mag gebruik word om hare mee vas te maak.

Die kleur van hare

- * Meisies word ten sterkste afgeraai om hulle hare te kleur.
- * Indien `n meisie se hare wel gekleur is, moet dit ten alle tye natuurlik lyk en geen uitspattige kleur wees nie.
- * Sodra hare wat gekleur is 1,5 cm uitgegroeï is, moet die kleur onderhou word, dus moet die wortels weer gekleur word.

Dra van pruie en fyn vlegsels

- * Pruie mag gedra word, mits dit natuurlik lyk en die hare moet vasgemaak word indien dit langer as die onderste deel van die rok of hemskraag sou wees.
- * Meisies mag fyn vlegsels in hulle hare sit, mits dit dieselfde kleur as die wortels van die hare is. Sodra die vlesels 1.5 cm uitgegroeï is, moet dit vervang word.
- * Fyn vlegsels moet vasgemaak word indien dit langer as die onderste deel van die rok of hemskraag sou wees.
- * Vlegselstyle wat “bob” is moet aan die reëls van die “bob” haarsnit voldoen.

Korter haarstyle

- * Dogters wat korter haarstyle verkies se kuiwe mag nie in hulle oë hang nie. Geen oneweredige stukke hare “slierte” mag in die gesig hang nie.
- * Kortere hare mag nie regop gekam word nie.

Ander

Juwele

- * Net een oorbel per oorle. Maksimum grootte soos `n 5c stuk en slegs 1mm dik.
- * Geen ringe, tongringe, neusringe, enkelbandjies en armbandjies word toegelaat nie.

Naels

- * As die hand regop gehou word, mag die naels nie oorsteek aan die palmkant nie.
- * Kleurlose naellak is toelaatbaar.

Grimering

- * Geen grimering is toelaatbaar nie. Dit sluit 'n onderlaag in.

Gewone klere dae

- * Meisies se hare mag los wees.
- * Geen grimering mag gedra word nie.
- * Kledingstukke met swak taal, prente of tekens word nie toegelaat nie.
- * Meisies mag ook geen deursigtige of spaghettibandjie kledingstukke dra nie.
- * Rompe, rokke en broeke moet ten minste knielengte wees.

Tatoeëermerke

- * Geen tatoeëermerke mag in skool-of sportdrag sigbaar wees nie.
- * Alle tatoeëermerke wat sigbaar is, moet met 'n skoolkledingstuk of 'n pleister verbloem word.

Matriekmeisies

- * Slegs matriekmeisies mag pêreloorbelle dra. Die grootte sal beperk word tot 'n maksimum van 8mm in omtrek, vergelykbaar met die agterkant van "bic" pen.

Goudveld-Hoërskool se matriekafskeid

- * Hare mag een week voor die tyd gekleur word.
- * Natuurlike naels mag een maand voor die tyd gegroei word.
- * Vals en gekleurde naels mag een week voor die tyd opgesit word.
- * Alle naels moet terug na normaal toe wees binne een week na die matriekafskeid.

3.4.1.2 Seuns

Wintersdrag

- * Skoolbaadjie is verpligtend.
- * Skoollangbroek is donkerblou soos deur die amptelike leweransiers aan die skool voorsien met bypassende skoolsokkies. Dit is ontoelaatbaar om die pype af te werk.
- * Skoolhemp, skooldas, skooltrui, skoolbaadjie, soos deur die amptelike leweransiers aan die skool voorsien. Hemde moet ten alle tye ingestek wees.
- * Swart skoolskoene met veters. Geen stiksel of gespes.

Somersdrag

Graad 8 en 9

- * Skoollangbroek OF skoollangbroek is donkerblou soos deur die amptelike leweransiers aan die skool, met bypassende skoolsokkies.
- * Kortmou skoolhemp soos deur die amptelike leweransiers aan die skool voorsien.
- * Swart skoolskoene met veters. Geen stiksels of gespes.

Graad 10,11,12

- * Skoollangbroek is donkerblou soos deur die amptelike leweransiers aan die skool, met bypassende skoolsokkies.
- * Kortmou skoolhemp soos deur die amptelike leweransiers aan die skool voorsien.
- * Swart skoolskoene met veters.

Uitgaandrag

- * Soos wintersdrag met 'n skoolbaadjie.

Sportdrag

- * Die Goutiebroek is slegs 'n oefenbroek.
- * Elke sportsoort het sy eie voorgeskrewe klere wat saam met die skoolsweetpak gedra word.
- * Geen skoolbaadjie mag by 'n sweetpak gedra word nie.
- * Geen juwele mag tydens wedstryde gedra word nie.
- * Sweetpake is slegs toelaatbaar op dae waar leerders die skool by sportgeleenthede verteenwoordig, asook in die Junie eksamen.
- * Geen plakkies mag saam met sportklere gedra word nie,
- * Op Vrydae is leerders, wat kwalifiseer vir die witbaadjie (eerstespanspelers), in daardie betrokke jaar, geregtig om hulle witbaadjies aan te trek.

Hare

Algemeen

- * Hare moet deurentyd kort, skoon en gekam wees.
- * "Gel" of "wax" mag matig gebruik word.
- * Hare mag nie gekleur word nie.
- * Geen vlegsels of "braids" is toelaatbaar nie.

Lengte van hare

- * 'n Afstand van 2cm tussen die hemsprag en die nek
- * Hare is netjies oor die ore oopgesny.

- * Indien hare regop gekam word mag dit nie langer as 5 cm wees nie.
- * "Sidies" mag nie langer as middelste deel van die oor wees nie.
- * Kuif mag nie die wenkbroue raak wanneer dit afgetrek word nie.

Haarsnitte

- * Geen "double cut", "step" of "comb over" mag gesny word nie.
- * Hare moet geleidelik vanaf die ore ingesny wees na bo.
- * Geen skielike verandering in die lengte van die hare mag gesien word nie.
- * Geen lyne of patrone mag ingesny word nie.

Ander

- * Geen juwele mag gedra word nie.
- * Seuns moet ten alle tye, ook in die eksamentye skoon geskeer wees.
- * Naels moet kort en skoon wees.
- * Skoolbroeke moet met 'n netjiese swart gordel('belt') gedra word en geen buitensporige gespes ("buckles") word toegelaat nie.

Gewone klere dae

- * Kledingstukke met swak taal, prente of tekens word nie toegelaat nie.

Tatoeëermerke

- * Geen tatoeëermerke mag in skool-of sportdrag sigbaar wees nie.
- * Alle tatoeëermerke wat sigbaar is, moet met 'n skoolkledingstuk of 'n pleister verbloem word.

Voorkoms en kleredragreëls vir seuns:

Aansoeke vir kwytskelding van onderstaande reëls weens geloofs, godsdiens- of gesondheidsredes moet by die beheerliggaam, via die graadvoog, gedoen word.

Dissipline

- * By skorsings en/of uitsetting vind dissiplinêre verhore plaas ooreenkomstig die skool se beleid.
- * Kategorie 1 oortredings kan daartoe lei dat leerders onmiddellik permanent uitgesluit word nadat dissiplinêre verhoor plaasgevind het.
- * Die Skoolhoof het die reg om leerders se eksamen-voorregte/matriekafskeid in sekere gevalle op te skort.

Tye vir detensie:

- 1) Akademiese detensies - Vrydae 14:15 - 16:00
- 2) Gedragsdetensie - Vrydae 14:15 - 17:00

3.5 Kategorie 1 - oortredings

OORTREDING		OUERS JA/NEE	DISSIPLINÊRE AKSIE (Voorwaarde)
1 Propagering of beoefening van Satanisme of okkultiese bedrywighede	X1	Ja	Finale waarskuwing (Berading)
	X2	Ja	Permanente uitsluiting
2 Seksuele wangedrag (betasting, teistering)	X1	Ja	Finale waarskuwing (Berading)
	X2	Ja	Permanente uitsluiting (Polisie waar nodig)
3.1 Die gebruik/besit van dagga, dwelmmiddels of onder die invloed van of in besit van alkohol.	X1	Ja	Berading
	X2	Ja	Permanente uitsluiting
4 Besit van vuurwapens of ander gevaarlike wapens (bv. messe, skerp voorwerpe)	X1	Ja	Detensie (2)
	X2	Ja	(Polisie waar nodig) Permanente uitsluiting

OORTREDING		OUERS JA/NEE	DISSIPLINÊRE AKSIE (Voorwaarde)
5 Kriminele oortredings: diefstal of in besit van gesteelde goedere, aanranding, onsedelikheid	X1	Ja	Detensie (2) (Finansiële implikasie)
	X2	Ja	Detensie (2) (Finansiële implikasie)
	X3	Ja	Permanente uitsluiting
6 Vandalisme / saakbeskadiging	X1	Ja	Detensie (2) (Finansiële implikasie)
	X2	Ja	Permanente uitsluiting
7 Besit en verspreiding van pornografiese materiaal	X1	Ja	Detensie (2)
	X2	Ja	Berading
	X3	Ja	Permanente uitsluiting
8 Ooneerlikheid : afskryf in toetse/ eksamen	X1	Ja	Kry 0 in toets en eksamen
	X2	Ja	Kry 0 in toets Kry 0 in eksamen Uitsluiting een week
	X3	Ja	Permanente uitsluiting

OORTREDING		OUERS JA/NEE	DISSIPLINÊRE AKSIE (Voorwaarde)
9 Bedrog (vervalste briewe/ dokumente/verslae/ telefoonoproepe/ handtekeninge/vals inligting)	X1	Ja	Detensie (2)
	X2	Ja	Opskorting van eksamenvoorregte
10 Rook op skoolterrein of elders in skooldrag of in besit van sigarette op skoolterrein of enige skool aktiwiteite of in teenwoordigheid van oortreder/s	X1	Ja	Detensie (2)
	X2	Ja	Detensie (2)
	X3	Ja	Opskorting van eksamen- voorregte
11 Afwesig sonder skriftelike kennisgewing/toestemming van klas/periode/skool en verlaat skool/klas/periode sonder magtiging (stokkiesdraai)	X1	Ja	Detensie (2)
	X2	Ja	Detensie (2)
	X3	Ja	Opskorting van eksamen- voorregte
12 Vloek, beledigende of vernederende aanmerkings of tekens teenoor enigeen	X1		Detensie (2)
	X2	Ja	Detensie (3)
	X3	Ja	Opskorting van eksamen- voorregte
13 Klasontwrigting	X1	Ja	Detensie (1-2)
	X2	Ja	Detensie (2)
	X3	Ja	Opskorting van eksamen- voorregte
	X4	Ja	Tugverhoor

OORTREDING		OUIERS JA/NEE	DISSIPLINÊRE AKSIE (Voorwaarde)
14 Negering van skool se dissiplinêre stappe (detensie)	X1	Ja	Detensie (2)
	X2		Opskorting van eksamen voordele
15 Geweld (baklei, dreig, intimidasie, afknou, klipgooiery, viktimisasie, doelbewuste besering veroorsaak)	X1	Ja	Detensie (2) Berading Uitsluiting drie dae Permanente uitsluiting
	X2	Ja	
	X3	Ja	
16 Oneerbiedige gedrag (aantasting van menswaardigheid, rasaanmerkings, spot, ongeskik, teenoor personeel/ werkers/verbale aggressie)	X1	Ja	Detensie (1)
	X2	Ja	Detensie (2)
	X3	Ja	Opskorting van eksamen voordele

3.6 Kategorie 2 - oortredings

OORTREDING		OUIERS JA/NEE	DISSIPLINÊRE AKSIE (Voorwaarde)
1 Optrede of gedrag wat 'n verleentheid vir of dislojaal teenoor die skool is. (bv. amok by laerskole), oneerlikheid	X1	Ja	Detensie (1)
	X2		Detensie (2)
	X3		
2 Krap/merke op banke, mure, teëls, vensters, deure, muurversierings, graffiti, pornografiese/ onsedelike sketse/briewe/ tekens/prente en verniel van skoolboeke en tasse	X1	Ja	Detensie (1) (Herstel skade/vervang)
	X2	Ja	Detensie (2) (Herstel skade/vervang)
3 Wegsteek van: boeke, tasse, klere, ander eiendom	X1	Ja	Detensie (1)
	X2		Detensie (2)
4 Afwesig sonder verlof of kennis: sport/kultuur byeenkoms	X1	Ja	Detensie (1)
	X2		Geen deelname (een byeenkoms)
	X3		Uit span of kultuur-bedrywighede

OORTREDING		OUERS JA/NEE	DISSIPLINÊRE AKSIE (voorwaardes)
15 Wangedrag tydens saalbyeenkomste en openinge	X1		Waarsku (Rapporteur by VRL-voogde)
	X2	Ja	Detensie (1)
	X3	Ja	Detensie (2)
16 Huiswerk afskryf (Die een wat afskryf sowel as die een by wie afgeskryf is, indien met sy/haar medewete/oneerlikheid oor goed wat weg is of by skool moet wees)	X1	Ja	Detensie (1)
	X2	Ja	Detensie (2)
17 Versuim om detensievorm af te haal sodra naam uitgelees is of in te handig (geteken) by detensieklas	X1		Detensie (1)
	X2		Detensie (2)
	X3		Opskorting van eksamenvoorregte
18 Versuim om bewys van afwesigheid te toon	X1		Waarsku
	X2		Detensie (1) (na 2 dae)
	X3		Detensie (2)
19 Selfoon/elektronika aangeskakel in klas, saalperiodes, tydens klaswisseling ens.	X1	Ja	Neem selfoon af vir 10 skooldae
	X2	Ja	Kwartaal
	X3	Ja	2 Kwartale

By alle oortredings moet die leerder daarop let dat hy/sy op grond van negering van die dissiplinêre gedragskode permanent uitgesluit kan word (sien ook Suid-Afrikaanse skolewet 84 van 1996 Artikel 8(1)). Ouers van sulke leerders sal onmiddellik aanspreeklik gehou word vir alle agterstallige en/of uitstaande skoolgelde van sodanige leerder/s.

Die Bestuursliggaam, skoolhoof en opvoeders van Goudveld-Hoërskool onderneem om elke oortreding binne perke op meriete te hanteer. Oortredings word nie van jaar-na-jaar oorgedra nie.

Leerders wat buite skoolverband oortree is in die eerste instansie die ouers/voog se verantwoordelikheid. Indien so 'n leerder se gedrag egter die skool se naam oneer aandoen, sal hy/sy volgens die gedragskode gestraf word.

3.6 Reëls vir detensie

3.6.1 Die detensieklas duur Vrydagmiddae van 14:15 tot 16:00, gedragsdetensie van 14:15 tot 17:00

3.6.2 Die lys van leerders word elke Woensdag bekend gemaak.

3.6.3 Elke leerder moet persoonlik teenoor sy/haar naam teken en ook die kennisgewing deur sy/haar ouers laat teken en tydens detensie inhandig.

3.6.4 Geen voedsel of drinkgoed word in die klas toegelaat nie.

3.6.5 Geen praterij of hulpverlening word in die klas toegelaat nie.

3.6.6 Normale regulasies vir skooldrag geld.

3.6.7 Oortredings in/afwesigheid van 'n detensieklas impliseer dat 'n leerder nie die gesag van die skool aanvaar nie en daar sal dienooreenkomstig teen hom/haar opgetree word.

3.6.8 Die bywoning van die detensieklas is te alle tye die prioriteit en verantwoordelikheid van die oortreder en die ouer/s moet ook daarop let.

OORTREDING		OUIERS JA/NEE	DISSIPLINÊRE AKSIE (Voorwaarde)
5 Liefkoos/omhelsing hande vashou in skooldrag	X1		Waarsku
	X2	Ja	Detensie (1)
	X3	Ja	Detensie (2)
6 Speel met brandslange/ gooi van waterbomme	X1	Ja	Detensie (1) (Herstel skade)
	X2	Ja	Detensie (2)
7 Betree verbode terrein : skooltyd/sokkies/ander byeenkomste/funksies of sonder toesig/toestemming in klaskamers : pouse, voorskool, tydens saalopening en na skool	X1	Ja	Detensie (1)
	X2	Ja	Detensie (2)
	X3	Ja	Geen bywoning van na-uurse aktiwiteite
8 Huiswerkversuim	X1		Aanteken
	X2		Aanteken
	X3	Ja	Akademiese Detensie (1)
9 Boek(e) vergeet/ skeurstrok(e)s/koevert vergeet/toetse nie laat teken nie	X1		Aanteken
	X2		Aanteken
	X3	Ja	Akademiese Detensie (1)

OORTREDING		OUIERS JA/NEE	DISSIPLINÊRE AKSIE (Voorwaarde)
10 Laat vir skool/klas	X1		Waarsku
	X2		Detensie (1)
	X3		Detensie (2)
11 Kougom kou, spoeg, eet of drink in klasse of gedurende klas- wisseling/saalopening	X1		Waarsku
	X2		Detensie (1)
	X3		Detensie (2)
12 Rommelstrooiing	X1		Waarsku (Opruim)
	X2		Detensie 1 (Opruim)
	X3		Detensie 2 (Opruim)
13 Netheidskontrole	X1		Waarsku,(Herstel fout)
	X2		Waarsku,(Herstel fout)
	X3	Ja	Detensie (2) (Herstel fout)
14 Negatiewe houding	X1		Waarsku
	X2	Ja	Detensie (1)
	X3	Ja	Detensie (2)